



FACULTATIS JURIDICÆ
IN ALMA AC PERANTIQUA UNIVERSITATE
ERFORDIENSI

H. T.

DECANUS,
JOH. HENRICUS

Meier, JC^{TUS},

ELECTORAL. REGIMIN. CONSILIAR. DECRE-
TAL. PROF. PUBL. UNIVERSIT. SENIOR, NEC
NON JUDIC. PROVINC. ASSESS.
EMER. PRIMAR.

LECTORI BENEVOLO

S. & O.

ERFORDIÆ,
Typis GROSCHIANIS, Acad. Typogr.

35

1728

6/6

nia
at-
28.
. C.
nec
de
is,
im
ut
ve-
ru-
to
er-
ue
u-



FACULTATIS IURIDICÆ
IN ALMA AC PRÆNOTATA UNIVERSITATE
ERFORDIENSIS

H. T.

DECANUS
JOH. HENRICUS

SECRETARIUS

ELECTORAL REGIMIN. CONSILIAR. DECAN.
TAL. PROF. PUBL. UNIVERSIT. SENIOR, NEC
NON JUDIC. PROVINC. ASSESS.
EMER. PRIMAR.

LECTORI BENEVOLO

S. & O.

ERFORDIÆ,
Typis GROSCHMANNI, Acad. Typogr.



Praetorum munus quondam Romæ
perquam grave & dignitas eorum
non erat inanis, nam teste Ulpiano
in *l. 2. §. 1. ff. de his qui notantur infam.*
non modò SELLA usi sunt CURRE-
LI, quam sex Lictores cum totidem
Securibus & Fascibus præcedebant,
tradente Polybio & Plutarcho; qui Præto-
rem appellat MAGISTRATVM SEX-SECVRVM. Ipsi quo-
que compete-
bat TOGA PRÆTEXTA, in quâ idem, alii-
que majores Magistratus sepiliebantur, hõc enim insigni
Prætextati cremabantur mortui ait *Plin. lib. 34. dec. 4.*
uti hodie cum Pallio humanantur Archiepiscopi. *Cap. 2.*
X. de auctor. & usu pall. Consulem Romanum & Præto-
rem denominat quoque Polybius specialiter *περιτορας*.
Hujus Prætorij insignis memoria adhuc superest in *l.*
1. §. ff. de postul. Sumisit etenim à Præto-
re originem,
quòd quotannis in primordio magistratus in Albo, pu-
ta degyptato muro proponerent jura, quæ durante of-
ficio observari jubebant. Cùm verò subindè in mu-
tandis Edictis existerent ambitiosi, & nonnunquam ea-
dem in quorundam gratiam, aliorumvè invidiam de-
flecterent; Imperatori Hadriano variatio hæc displi-
cuit;

cuit, & cuncta brevi libello complexus est; quo tandem data occasio, ut iussu Justiniani per Salvium Julianum componeretur Edictum perpetuum *l. 10. Cod. de condic. indeb.* ea propter, ne Prætores sua Edicta, porro mutarent; nequiquam verò iis, ne nova amplius concederent, hæc demta fuit facultas; veruntamen Prætor, tanquam viva Vox Juris & æquitatis Custos, prout sibi expedire videbatur illud aut ob duritiem corrigebat, aut ob defectum supplebat, aut ad effectum adjuvabat. §. 7. *Inst. de jur. N. G. & C.* Quamplurima igitur Prætorum Edicta ante Impp. tempora edita fuerunt & pars Juris ordinarii facta, ut ex Edictis hisce Juri nostro bonum accesserit incrementum, quemadmodum abundè videre est tam in π . quàm Cod. Interque hæc cecè eminet Edictum hoc in utraque Juris parte, sub rubrica *de Nov. Oper. nunciat.* Ubi varia notatu digna occurrunt, agitur enim de OPERE NOVO, adversus pristinam rei formam facto, germ. *Neuerlich Werk*, quod nimirum, vel clam in solo *l. 51. alius ff. quod vi aut clam.* Vel in Opere, quod est in solo, *l. nam et. eod. putâ,* si arbores ex solo succiduntur; *l. 13. eod.* quarum de causâ utile comparatum est interdictum & ordinariè illud censeretur esse restitutorium, quo novum opus destruat, restauratâ priori rei formâ; vel civiliter ad obtinendum hoc, quod domino propter tale illicitum factum abest, tam ratione ejus, quod ipsius primariò interest, quàm sumtuum *l. 11. §. fin. l. 13. §. si ex sociis. ff. quod vi aut clam.* Sin Colonus, qui fecit opus tale, injussu domini, ipse tenebitur ratione damni & impenfarum; dominus duntaxat, ut patientiam demolitionis præstet, *d. l. 13. §. fin. l. 14. §. fin. eod. l. quanq. §. idem Julianus de aqua plur. arc.* Sin Inquilinus, domino inscio, hujusmodi

modi quid ausus est, idem statuendum *l. 18. §. is cui. ff. quod vi aut clam.* Hoc immotè tenendum, restitutorium hoc interdictum semper dari contra operis possessorem *l. pr. 15. eod.* Idem, nunciacione factâ, competit contra eos, qui opus fecerunt, quorumve iussu factum est, *l. 5. §. hæc verba; & l. seq. l. qui puterum. 11. §. si tutores. eod. tit.* In hæredes, atque alios successores datur in id, quod ad eos pervenit, verummodò intra annum; *l. 15. §. 3. ff. quod vi aut clam.* incipit autem hoc tempus ex quo id opus perfectum est, aut fieri desit, licèt etiam perfectum non sit; non verò à tempore, quo fieri cœpit. add. *l. 22. pr. ff. d. t. quod vi aut clam. l. 14. pr. ff. de aqua & aquæ pluvi. act.* Edictum enim hoc tendit eò, ut factum opus tollatur & restituatur ad pristinam formam *l. 1. §. hoc interd. ff. quod vi aut clam.* atque in eo tanti lis æstimatur, quanti interest, opus factum non esse *l. semper §. in hoc interd. d. t.* Si quis autem propter tale novum opus fortè jus fundi, vel servitutis amisserit, restitui id ex hoc interdicto debet *l. 20. §. fin. ff. d. t. quod vi, aut clam.* atque fructus omnisque causa, *l. 38. §. possess. vers. Interdicto. ff. de usuris & fr.* Plura, quæ hîc allegari potuissent, studiosè observaturus & propositurus est pro Cathedra ad *L. un. Cod. de nov. operis nunciacione*

NOBILIS ET CLARISSIMVS

DN. AVGVSTVS HENRICVS Wunderlich/

Rochsburgo-Misn.

Patriam sortitus est per nascendi sortem, quæ die XXII. Febr. Ao. Chr. MDCCV. accidit, Rochsburgum, locum amoenissimum Provinciæ Misniæ, prope Moldaviam Schneebergensem, ubi Illustrissimus Comes de Schönburg,

X 3

burg,

burg, Dn. AVGVSTVS ERNESTVS, susceptor
ex fonte lustrico suus Gratiouissimus, ubi Ipse & residet:
Patrem veneratur Virum Consultissimum, JOANNEM
WUNDERLICHIVM; Jctum, Consiliarium Illustrissi-
morum Comitum de Schönburg, & tunc temporis
Præfecturæ Rochburgensis, jam verò Waldenburgen-
sis Præfectum; Matrem, MARIAM ELISABETHAM,
B. PHILIPPI KROEBERI, Pastoris primarii Lesdenfis
quondam optimè meriti, filiam. Prima cura Paren-
tum optimorum fuit, ut ipsum pietatis & litterarum
studiis imbuerent: Traditus itaque est fidei optimo-
rum Magistrorum GOETZINGERI, HARNISCHII &
NAVMANNI; quorum primus nunc Concionator au-
læ Illustrissimi Comitis de Schönburg & Pastor Wech-
selburgensis; secundus Diaconus Kursdorfensis; tertius
verò Pastor substitutus Flemmingensis. Inprimis autem
NAVMANNO multum se debere, oppidò profitetur;
Uberioris deinceps cultus capeffendi causâ in celebre
Fridericianum, quod Altenburgi floret, sese contulit,
& Præceptoribus usus WILISCHIO, qui postea digni-
tatem concionatoris aulici Serenissimi Ducis Gothani
accepit, nunc verò sacrorum apud Freybergenses, gra-
uissimum antistitem agit; ACKERO, FRISIO, STER-
NIO, WEBERO & WAHLIO, inter quos tertius ac ul-
timus jam piè fati cesserunt. In hoc Lycæo tanta
incrementa cepit, ut triennio præterlapso dignus ha-
beretur, qui Academicarum disciplinarum studia in-
grederetur. In numerum igitur Civium Academiæ Li-
psiensis Ao. MDCC XXII. receptus, Philosophiæ pri-
mum & iis, quæ ad humanitatem pertinent, studiis
animum excoluit diligenter, & scholas Virorum Cla-
rissimorum RÜDIGERI, D. AVGVST. FRID. MÜLLE-
RI

RI & POLYCARP. MÜLLERI, qui eo tempore extra-
ordinem Philosophiam docebat, nunc Zittaviae Re-
ctoris munus egregiè sustinet, assidue est secutus.
Postea se totum Jurisprudentiæ studio dedit, ac An-
tecessorum & Doctorum, qui tum Jura profitebantur,
MENCKENII, GRIEBNERI, OLEARII, RECHENBER-
GII, HOFFMANNI, SCHVBARTI, KÜNOLDI, RI-
VINI, WEIDLINGII, STICHLITZII, MASCOVII,
KÆSTNERI & BAVERI tam publicis, quàm privatis
lectionibus interfuit; Inprimis verò fidelissima insti-
tutione Viri Consultissimi Dn. D. SIEGELII, qui usque
ad hoc tempus apud Lipsienses non sine applausu le-
gum cupidæ Juventutis in jure tradendo operam dat,
nec minus cum laude in Foro versatur, usus est. At-
que his fidelissimis Ducibus Juris universi cursum feli-
citer confecit. Antequam verò ab Academia sece-
deret, specimen quoddam diligentiae Academicæ sub
Præsidio B. MENCKENII edere voluit, Programma et-
iam ad hanc dissertationem jamjam valvis publicis af-
fixum fuit; ast mors hujus Viri Summi inopinatò su-
perveniens hoc propositum impedivit. Post elapsum
itaque quadriennium, & plus quàm anni dimidium
Ao. M DCC XXVII. ad lares patrios reversus eo ani-
mo, ut quarta anni elapsâ Dresdam se converteret, &
quasi in sede Prætoris sub manuductione Viri cujusdam
Consultissimi prima ejus principia addisceret, post anni
verò dimidium ab hac urbe rursus secederet, & summos
in utroque Jure honores adquirendi causâ peranti-
quam Hieranam nostram adiret: Ast infelix incen-
dium, quod totam fere urbem Waldenburgum, unâ
cum ædibus patriis & maximâ parte bonorum, con-
sumsit, effecit, ut propositum hoc mutaret. Hic sub
au-

auspicio Virorum Præclarissimorum BÜRCKNERI &
KLÜGELII, Præfecti & Præfecti Adjuncti optimè me-
ritorum, in Præfectura Electorali instar militis volun-
tarii in praxi se exercuit. Peracto hîc anno, id, quod
ante annum erat propositum, iterum ei in mentem
rediit, ita ut ad illud exequendum præpararet: Sed &
hac vice febris tertiana, morbus non tam periculofus,
sed graviter molestus proposito suo remoras quasdam
fecit. Nihilominus & hic casus adversus ipsum à pro-
posito non deterruit, simulac igitur à febris liberatus
vires recuperavit, statim iter aggressus, ad honores pro-
pinquum, Nobisque obtulit peticitorias, quibus desidera-
vit, quò sibi panderetur examen Candidatorum, priùs
transmissis ex Canon. & Civili Jure textu. Hoc probè
sustinuit, ac propterea quoque admissus est, quò publi-
cè è Cathedrâ, solenni & recepto more ad antè *cit. L.*
un. Cod. atque Inauguralem Dissertationem, sistentem
COMMENTATIONEM IN PACTA DOTALIA ILLU-
STRISSIMORVM COMITVM DE Schönburg, haberi
possit. Quibus actibus publicis destinatus est dies pro-
ximus Lunæ 13. Decembr. cur. adhuc anni. Quam ce-
lebritatem ut Magnif. Dn. Universitatis Rector & ejus-
dem Proceres, nec non Nobil. Domini Jurisprudentiæ
Cultores sua præfenciâ in Auditorio Juris Collegii ma-
joris dignari velint, officiosè invitantur & rogantur.
Publ. Erfordiæ sub Sigillo Facult. Jurid. 12. Decembr.
Ao. MDCC XXVIII.


(L. S.)

ULB Halle
005 355 63X

3







35
1728
618

FACULTATIS JURIDICÆ
IN ALMA AC PERANTIQUA UNIVERSITATE
ERFORDIENSI

H. T.

DECANUS,
JOH. HENRICUS
Sæier, JCTUS,

ELECTORAL. REGIMIN. CONSILIAR. DECRE-
TAL. PROF. PUBL. UNIVERSIT. SENIOR, NEC
NON JUDIC. PROVINC. ASSESS.
EMER. PRIMAR.

LECTORI BENEVOLO

S. & O.

ERFORDIÆ,
Typis GROSCHIANIS, Acad. Typogr.

